

Pular - Kisiyee Windii - Salvation Scriptures

Efeesi 2:2 dī wuurunodon e mun, fewndo jukkunodon laawol oo aduna, wondude e bawgal oo lando jinnaaji dīn. Ko ruuhu on lando woni gollude e ben yeddube jooni.

Matta 6:10 yo laamu maa ngun feepu, yo faale maa on wadu ka aduna wano woniri non ka kammuuli.

Luuka 22:42 o wi'i: «Baaba an, si hidfa faalaa, yo kun jardukun tampere pottito lan. Kono non wota faale an on wadu, kono yo faale maa on wadu.»

Yuuhanna 16:7-9 E hin-le mido wowlande on goonga, no moyfani on ka mi yaha. Ko fii si mi yahaali, Ballo on arataa e mon. Kono si mi yahii, mi nulay mo e mon. 8 Tuma o aroyi, o weebitanay aduna on fii junuubu e peewal e jaawoore: 9 ka banje junuubu, ko bay hari be hoolaaki lan,

2 Timotee 2:10 Ko dun wadi si mido wakkilii fow sabu subaabe ben, fii kambe kadi no be hebira kisiyee wondo e lisaa Almasiihu on, wondude e darja poomayankeejo on.

Roomu 15:20,21 Awa anniyee an on ko feppingol Kibaaru Moyfo on nokku ka tawata Almasiihu on andaaka, fii wota mi darnu e hoore didol godfo. 21 Kono wano windori non: «Ben be feppinananooka yi'oyay, e ben be nanaano kadi faamoyay.»

Kuude Sahaabaabe 2:36,37 Kanko Petruusu o wi'i kadi: «Awa yo bolondaaji Isra'iila dīn fow andu e nder pellital wonde Yehowaahu on wadii lisaa, oo mo fempunodon, Almasiihu e Joomi.» 37 Bay be nanii dun, dun naati e berde mabbe den. Onsay be wi'i Petruusu e beya sahaabaabe: «Musibbe, ko hondun men haani wadude?»

Yahuudiyankeebe 4:2 Ko fii Kibaaru Moyfo on feppinanaama en, wano beya non, kono kongol ngol be hedii ngol nafaali be huunde, ko fii ko be nanunoo kon, be jabiraano gomdinal.

Yeremiiya 24:7 - Matta 22:37 lisaa jaabii mo, wi'i: «Yo a yidif Yehowa Joomiraado maa on bernde maa nden fow e wonkii maa kin fow e hakkil maa kin fow.

Kuude Sahaabaabe 16:14 Tawi no e ben debbo rewoowo Yehowa, on no wi'ee Linda, jeyaado e ndee saare wi'eteende Saayatiira, yeeyoowo gaara baka. Tawi himo hedino, Joomiraado on kadi udditi bernde makko nden fii yo o wonan ko Puulusa yewtaynoo kon.

Matta 13:14-16 Fii ko Yehowa longinnoo Isaaya kon no laatora e mabbe, wonde: «Pellet hidon nana, kono on faamataa few. Pellet hidon ndaara, kono on yi'ataa few. 15 Ko fii dee berde oo jamaa wonii yoorude. Be uddii noppi mabbe dīn, awa kadi be ombii gite den, sakko be yiira gite mabbe den, maa be nanira noppi mabbe dīn, maa be faamira berde mabbe den, haa be tuuba, mi sellina be.» 16 «Onon non, gite mon den malii ko fii hidfa yi'ude, noppi mon dīn malii ko

fii hidi nanude.

Isaaya 6:9,10 - Kuude Sahaabaabe 28:27 Ko fii dee berde oo jamaa wonii yoorude, be uddii noppi mabbe din, awa kadi be ombii gite den, sakko be yiira gite mabbe den, maa be nanira noppi mabbe din, maa be faamira berde mabbe den haa be tuuba, mi sellina be.»

Markuusa 4:11,12 O wi'i be: «Onon on yedaama gundoo laamu Yehowa ngun, kono bee ka yaasi, be wowlirante fow mise, 12 fii yo be ndaaru, hara be yi'ataa, yo be nanu, hara be faamataa, fii wota be tuubu, junuubaaji mabbe din yaafee.»

Yuuhanna 12:39,40 Be waawataano hoolaade, bay wano Isaaya wi'irnoo non kadi: 40 «Yehowaahu on wuminii be, o uddii berde mabbe den, fii wota be yiiru gite mabbe den, e hita be faamir berde mabbe den, haa be tuuba, o sellina be.»

Roomu 11:7,8 Awa ko hondun? Ko Isra'ilayankeebe ben dabbaynoo kon be hebaali, kono subaabe ben hendike dun. Beya, berde mun den sattinaa, 8 wano windori non: «Yehowa yedii be hakkillaaaji daaniidi, e gite de yi'ataa, e noppi di nanataa, haa weetaango hande ngoo.»

2 Tesalonii 2:10,11 o huutoray kala noone bone fii faayingol wonbe mulude ben, bay be jabaali yidude goonga on fii no be dandiree. 11 Ko dun wadi si Yehowa kadi accidi be e doole daynooje fii no be gomdinira fenaande nden,

Matta 13:18-23 «Kono onon, hedee firo ngal misal remoowo on. 19 Nde goddo hedii daalol laamu Yehowa ngun, ronki ngol faamude, bondo on aray, itta ko aawaa kon ka bernde makko. Dun no wa'i wa nde awdi sankaa ndin saami ka datal. 20 Nde awdi sankaa ndin saami ka kaaye, dun no wa'i wa nde goddo nani daalol ngol, o jaba ngol hepa e nder weltaare. 21 Kono o alaa dadi, ko fii hinaa o tabitudo. Nde satteendeeji maa cukkeede aroyi sabu jokkugol makko daalol ngol, o tertoto kisan. 22 Nde awdi sankaa ndin saami ka sooyoore, dun no wa'i wa nde goddo nani daalol ngol, hara ngol rimataa e makko ko fii haray ngol modiraama anndeeji aduna e dayniro jawle. 23 Nde awdi sankaa ndin saami ka leydi moyfiri, dun no wa'i wa nde goddo nani daalol ngol, faami, ngol rimi e makko, wobbe ben laabi teemedere, wobbe ben laabi cappande jeegoo, beya ben laabi cappande tati.»

2 Korenti 3:15,16 Haa weetaango hande ngoo, si Sariya Muusaa on janga, taway tiggaare no wirni berde mabbe den. 16Kono si fewta e Joomiraado on, taway tiggaare nden ittaama ka berde mabbe.

Husaa'a 11:3-7 - Matta 11:28-30 «Aree e an, on fow, yo rondiibe ko teddi haa ronki, mi fowtina on. 29 Jabon yankinanagol ko mi fawi on kon, jabon janndeeji an din. Ko fii min ko mi newiido, yankiniido kadi e bernde, dun on hebay fowtunde fii wonkiji mon din. 30 Ko fii ko mi fawata on kon no weli nabude, awa dongal ngal mi fawata on ngal ko hayfungal.»

Kuude Sahaabaabe 26:18 fii udditugol gite mabbe den, be yiltoo ka nibe, be arda ka ndaygu, be iwa e laamu lbuliisa, be fewta Yehowa, be heba yaafuyee

junuubaaji, be tawdee e yimbe Yehowa ben, bay be gomɗinii lan.»

2 Timotee 2:24-26 Ko fii haanaa ka kurkantoodo Joomiraado on habidee. Himo haani wonde newaniido fow, munjiido, o waawa jannude. 25 Himo haani kadi wurtirde liddotoobe mo ben no newori, e nder tanyinagol wonde Yehowa okay be feere no be tuubira, be anda goonga on, 26 be ruttoo e faamu mabbe moyfo on, e no be sortora e pircol lbuliisa nangudo be fii wadugol faale mun on.

Fenninannde 3:17-19 Hida wi'itii galo, alɗudo, mo njakkiraaka hay huunde, hara-le a andaa ko a tampudo, yurmudo, baaso, bundo, holdo. 18 Min mi waajike ma soodugol kanje labbiniraade yiite e juude an fii no laatoraa galo, soodaa kadi conci daneeji ko bornodaa e juude an fii wota hersa kolngal maa ngal feepu, e lekki ko wujaa ka gite maa fii no yi'iraa. 19 «Kala ben be mi yidi, mi felay be, mi wurtu. Awa jooni wakkilo, tuubaa.

2 Korenti 7:10 Ko ɗun wadi, sokola mo Yehowa yidi on adday tuubuubuyee nawroowo e kisiyee mo en ninsataa, e hin-le sokola oo aduna ko addata ko mayde.

1 Lambe 18:37 - Yehowa turned heart back to Yehowa

2 Korenti 4:4 ɗun ko ben be gomɗinaa, be tawata alla nguu jamaanu wuminii miijooji mun, fii wota be yi'u jalbeendi Kibaaru Moyfo bangindo mangu Almasiihu on, on wondo mbaadi Yehowa.

Luuka 8:11-15 «E hino ko ngal misal firi: Awdi ndin ko daalol Yehowa ngol. 12 Nde awdi sankaaɗi ndin saami ka ɗatal, ɗun no wa'i wa nde wobbe nani daalol ngol, kono lbuliisa ara itta ngol e berde mabbe fii wota be gomɗin sakko be dandee. 13 Nde awdi sankaaɗi ndin saami ka fetere, ɗun no wa'i wa nde wobbe nani daalol ngol, be jabira ngol weltaare. Kono be alaa ɗadi. Be gomɗinay haa e saa'i, kono si be ndarndaama, be tertoo. 14 Nde awdi sankaaɗi ndin saami ka sooyore, ɗun no wa'i wa nde wobbe nani daalol ngol, kono hara be modiraama anndeeji aduna e jawle aduna e faaleeji ngurndan aduna e nder yaadu mabbe ndun, be ronka rimude moyfa. 15 Nde awdi sankaaɗi ndin saami ka leydi moyfiri, ɗun no wa'i wa nde wobbe naniri daaluyee on bernde laabunde moyfunde, jogitoo mara. Ko ben woni rimooɓe e nder wakkilaare.

Kuude Sahaabaabe 15:11 Kono ko moyfere lisaa Joomi on tanyinorden dandeede, kambe kadi-le wano non.»

Roomu 8:13 Si tawii ko mbeleede bandu wuurirɗon, on maayay. Kono si tawii ko Ruuhu Yehowaahu on warirɗon mbeleede bandu ɗen, on wuuray.